

近代中國史料叢刊續編第八十六輯
沈雲龍主編

武昌革命史

曹慶雲著

上

文海出版社

有限公司

印行

武昌革命史
前編

曾亞伯著

武昌革命史

曹亞伯

自叙

革命者、本天性之慈悲。而爲世人除凶暴求平等之事業也。予生八歲。聞屠人語。中國人有辯。乃降服外國人之表誌。方今皇帝。卽外國人。予聞之憤甚。謂中國人不應許外人作皇帝。謹記之。因藐視讀書人之無志。惟斤斤於求爲翰林。從無敢求爲皇帝者。然於吾國之聖賢。極崇拜之。以其嘉言懿行。可爲斯人之圭臬也。聞耶穌教爲異端。痛惡之。年十五。至大冶縣福音堂。與駐堂教士張長善尋仇。大罵之曰。洋奴邪言惑衆。吾若得志。必殺盡若輩而後已。張對予唯微笑。予奇之。自揣設有人指予辱罵。吾必不然。旋張示予一書。名曰格物探源。乃上海廣學會所譯。予生長於極閉塞之興國州崇山中。見此新書。極其快意。欲借一讀。張故靳而不與。予強借。頓悟守舊之非。卽入大冶縣福音堂爲信徒。於是家庭革命。社會革命之思想。日往復於胸中。不顧自身之一切。時與舊習慣相抗矣。適家道中落。家君欲吾訓蒙。予向家慈求得川資。至武昌。考入農務學堂肄業焉。庚子秋。七月二

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



十六日。唐才常革命案破。林述唐、傅致祥、李炳寰、蔡承煜、王天曙、黎科、瞿河清七人。於二十七日。被張之洞殺於武昌之天符廟。予見其血。聞其血腥。心益悲痛。次日唐才常被殺於武昌之大朝街附近。許匯東親見之。聞其臨刑前之一刹那。曾口占一詩。有句云。剩好頭顱酬死友。無真面目見羣魔。迄今猶雒誦不置也。是年冬。予考入兩湖書院。日與南齋王文豹、王愷憲、周震鱗、黃軫（卽黃興）輩周旋。壬寅春。兩湖輿地教授鄒沅帆先生。應清學部張百熙之召。調予與王文豹二人入京充編纂。臨行變計。派予與王文豹往湖南新化辦中學。予雖教博物及數學。然處處引發學生革命之思想。予憶授一加法命題。謂吳三桂引清兵入關時。大殺漢人。在揚州十日。殺八十萬人。在嘉定屠城三次。殺二十五萬人。其餘漢人因不肯蓄髮投降者。卽殺無赦。又殺十八省同胞幾三百萬人。共殺漢人若干云云。此予教法之一例也。予又教授柔軟體操。每上操場。必向學生演說漢人文弱被壓制之苦痛。是時譚人鳳在新化教小學。常率小學生來會操。聆演講。同時陳天華留學日本。專著革命小冊子。如警世鐘、猛回頭等。輸入湖南湖北之各學堂各軍營中。而新化學界革命之思潮。幾不可遏止矣。是年秋。錢維驥來新化教國文。介紹禹之謨與余交。因

禹極抱亡國之痛也。冬假，予渡日本。過長沙時，適經正學堂小學生胡宗琬（即胡瑛）至。民國後，失節勸進，種種無行，非意料所及。結黨暗殺劣紳王益吾，未成。被國文教授陸詠寬革出。王君復生告予，予異之。即介紹胡宗琬於建築武昌武普通學校之吳祿貞。是年，吳祿貞與耿觀文、李書城亦游湘，以覘革命運動之成績。癸卯三月，予復返新化中學。過武昌，訪吳祿貞，問胡宗琬之行踪。彼已派至沙市、宜昌、湘西一帶，與會黨聯絡去矣。先是，劉敬安於武昌組織一救世軍，秘約軍中同志，分途運動。聞胡宗琬將至鄂，會合於蛇山之頂，準備歡迎。到會者，即劉與辜天保、李雨霖、方柏年、張漢、徐竹平、徐于七人。胡至後，即組織科學補習所於武昌山前東廠口。與劉敬安、馮特民、朱滓淘、時伯弼、宋教仁、易本義、張朗村、王漢、朱子龍輩，分道進行。倘張之洞有招兵事，劉敬安必先知。因劉在南湖馬隊營，黎元洪營部充書記。予知黎元洪之名，從此始。胡宗琬即用秘電招會黨來入伍。科學補習所專作介紹入伍機關。當時所用秘碼，招兵曰貨，偵速派弟兄們來曰辦貨。來兵器曰海帶。未介紹入伍之先，必受科學補習所之秘約。約中大意，謂吾漢人四萬萬，亡國於滿清之手，已二百數十年，受盡苦痛。諸君此次入伍，務學成健兒，待時機至，即起而革

命。光復漢族爲一定之宗旨。其時張之洞所募新軍。大半科學補習所介紹之新貨也。予抵新化。不及兩月。新化縣知事張某。浙人。向湘撫趙爾巽秘告予謀反叛逆。欲吾頸血。染彼紅頂。不意趙爾巽怵於甲午之敗。亦頗有維新之隱衷。加以其人忠厚。本性愛才。不惟不究。反參去新化縣張知事。永不錄用。而新化中學校董彭莊仲、晏穀如、鄒价人、伍子奇輩。雖久謀革命。終恐學校被予破壞。斯時新化留日陸軍學生楊源濬（字伯笙）新自東京歸。帶有陳天華之猛回頭七千冊。皆被諸校董焚去。予遂不願久留。卽於五月下益陽。至長沙。受錢維驥、童峙三及齊耀農所辦寧鄉中學之聘。兼任汪德植所辦求中學校。及彭梅生所辦長沙中學之教席。聞黃吉亭牧師爲長沙聖公會會長。愛國心長。并辦有日知會以開民智。予遂依之。爾時黃興先由上海吳國光會長介紹。已與黃牧師相見。記名爲會員。從此學界軍界皆入於聖公會之門。而長沙之日知會。乃極一時之盛。甲辰暑假中。予又至江西吉安府。廖笏堂處運動軍隊。時笏堂爲統領。駐吉安。新化學生投其隨營學堂者不少。適廖往瑞昌辦教案。予從容向吉安民衆演說。并散猛回頭警世鐘諸書。吉安正府試。予洋裝無辨。聽演說者大半應試生。竟有人持予所散書至知府胡祖謙前。

告秘。江西巡撫夏時聞知。用萬急公文至吉安軍營指名捕予。就地正法。營中教授江彤侯、秘書長張通煥、送予川資三十串以行。予并不知有就地正法之公文。過南昌、又至郭人漳（字寶森）所辦之隨營學堂演說。次日即抵九江、乘輪上駛矣。予離吉安之次日、陳天華亦至吉安。因予案發。彼不能安居。遂由袁州經萍鄉而至長沙。受盡內地運動之折磨。予抵武昌、住科學補習所。吳祿貞邀予居其家。因匆匆不便。暫留科學補習所以便奔走。所中辦事極忙者。即劉敬安、胡宗琬、宋教仁、易本義、時伯弼、朱子洵諸人。予因奔走過久。倦極鼾睡中。有鼠齧予皮鞋。至真皮知痛始驚而醒。所中無傭工。惟宋教仁、易本義常爲衆效勞。所中無用費。予曾向劉百剛借二十元接濟之。時忽屆秋。予復至長沙。每日於三學堂授課外。即往日知會辦事。并每日按時至西長街循道會福音堂演說。凡以促革命之成功而已。甲辰九月、長沙革命失敗。長沙日知會亟遣人秘告武昌科學補習所。即時停辦。以防株連。至冬假。予過武昌。知高家巷聖公會胡蘭亭牧師辦有日知會。又集合科學補習所同志劉敬安、馮特民輩。全體加入。繼續革命之進行。乙巳、會務極發達。丙午、夏復設科學補習所於日知會內。一時軍學兩界。聲氣互通。有若機括之將發。秋冬之

交郭堯階洩其謀於巡警道馮啟鈞。劉敬安朱松坪等被逮。而日知會科學補習所諸同志。遂分設各機關。別立會名社名甚夥。而機事益密。此辛亥起義之前因也。噫。予愧不學。少未聞釋老孔墨諸勝義。及其長也。痛我政治不良。艷羨歐風。舉西來一切政教藝術。莫不推崇而樂從之。未免蔑視舊有禮教。而於家國之革命。不無過勇之愆。蓋道之真以治身。其緒餘以治國家。其土直以治天下。外重者內拙。意不誠。心不正。不足以言修齊治平也。自民國成立以來。吾同胞痛苦日增。乃至上無禮。下無學。賊民朋興。謂非革命者不能自苦以利天下之咎乎。嗚乎。予亦一罪魁也。予幸從故友張純一先生之規勸。虔誦佛經。已六年於茲。今始知基督教爲天魔外道。而儒道墨諸家所言之治道。尤宜潛心宣究。尤宜以佛教爲歸。則利他以自利。庶幾有利而無弊矣。予今爲此言。所以懺悔三十年來一切昏動之罪。亦以仰慰陳公星台在天之靈。更望後之言革命者。先自革其我見之非始也。各省革命之同志極多。予未能一一記錄。遺忘缺漏。知所不免。茲特就予所見聞之可言者。略爲紀述。以明真相。供史家採擇焉。

民國十六年六月十五日曹亞伯叙於崑山之平居

近代中國史料叢刊續編 第八十六輯

目 錄

武昌革命史(上)……………	一册	曹慶雲著
武昌革命史(中)……………	一册	曹慶雲著
武昌革命史(下)……………	一册	曹慶雲著
湖北革命知之錄……………	一册	張義癡編
文學社武昌首義紀實	合一册	章裕昆著
梅楞章京筆記……………		
共和關鍵錄……………	一册	觀渡廬編
張世膺烈士遺墨	合一册	陳和銑藏
山居憶語……………		
革命史譚……………	一册	趙世瑄著·趙令嫻藏
中國革命史……………	一册	陸丹林著
民國職官表	合一册	東方雜誌社編
現代史料		
(民國元年一月至民國七年二月止)		汪 中著

武昌革命史前編目錄

	頁數
自敘·····	一
第一章 黃克強長沙革命之失敗·····	一
第二章 武昌日知會之運動·····	一〇
第三章 同盟會之成立及吳樾炸五大臣·····	一四
第四章 陳天華投海·····	二五
第五章 孫文革命之追記·····	九八
第六章 歐洲學生之革命潮·····	一二七
第七章 武昌日知會之破案·····	一二九
第八章 殷子衡之日記·····	一六三
第九章 被難各人略述·····	一八六

第十章	禹之謨之死難·····	二〇三
第十一章	徐錫麟刺恩銘·····	二一九
第十二章	各地紛起革命軍·····	二三五
第十三章	廣州三月二十九日之役·····	二五七
第十四章	楊篤生蹈海·····	三六六
第十五章	鐵路國有問題與武昌起義前之準備·····	三七七

武昌革命史前編插圖目次

	頁數
黃興先生遺像·····	四後1
吳國光先生名片·····	四後2
宋公教仁遺像·····	四後3
長沙日知會賬目·····	四後4
袁禮彬先生遺像·····	六後
劉公敬安辦日知會時之墨跡·····	一二後1
乙巳春夏之交武昌日知會幹部攝影·····	一二後2
吳公樾遺像·····	一六後
陳公天華遺像·····	二六後
孫公中山遺像·····	一〇〇後
孫中山先生之遺墨(證道函)·····	一二〇後

史公堅如遺像·····	一二六後
日知會捐冊之一頁(劉公敬安親筆)·····	一三〇後
鄒容先生遺像·····	一三四後
法人歐吉羅在武昌日知會演說後攝影·····	一四〇後
劉敬安先生遺像·····	一四六後1
劉敬安受刑後所用之血巾·····	一四六後2
馮啓鈞之名片·····	一五四後
殷子衡先生在獄中之肖像·····	一六四後
季公雨霖肖像·····	一七二後
武昌府札飭黃岡縣移解吳之銓回籍收禁之公文·····	一九四後1
陳汝慈求保開釋吳貢三所出之血結·····	一九四後2
黃州八屬之議員及當地官紳請吳貢三出獄組織軍政分府時簽名之攝影·····	一九六後

楊卓霖先生遺像	一二八後
徐公錫麟遺像	一二〇後
陳公伯平遺像	一一二後
馬公宗漢遺像	一一三後
秋瑾女烈士遺像	一三四後
熊公成基遺像	一三八後 1
蔣公大同遺像	一三八後 2
溫公生才遺像	一五六後
趙聲先生遺像	一五八後
黃克強胡展堂兩先生對黃花崗一役報告書真蹟	三四四後
楊公毓麟遺像	三六八後
楊公德麟遺像	三七六後

武昌革命史

前編

第一章 黃克強長沙革命之失敗

黃克強名軫字慶午原在胡元倬所辦之明德學堂經正學堂藉作教授以爲運動革命之大本營。雖出入於聖公會之日知會仍別立一華興會以號召會黨。秘圖起義。甲辰秋本西太后六十生辰於未舉行皇會之前長沙之軍械幾何。兵士幾何。槍彈幾何。已一一調查清晰。原擬於皇會之日趁觀會之機俾各鄉之會黨得以集合於長沙。義旗一舉。長沙唾手可得。不期好事多磨。王益吾之黨羽劉作楫亦在長沙辦學堂。得知消息遂秘告王益吾。王益吾即秘告湘撫龐鴻書。是時趙爾巽已他調矣。龐鴻書極頑固兇殘。即購一會黨作引線。捕一與黃克強有關係之會黨。酷刑拷打逼供。一面下捕黃克強之公文與游擊熊得壽。熊以公文示求中學堂校長汪德植。汪先報黃知。於是黃克強之居宅被軍警包圍矣。黃克強之子黃一歐尙幼。出門報信於明德學堂。黃克強即走避於明德學堂附近龍璋（字硯仙）之家。其時已近黃昏。尙距皇會之前十日也。軍警索捕甚急。金華祝

(字封三)張繼(字溥泉)輩時在黃克強左右。將夜半，予正在甯鄉中學教員寄宿舍，編博物學課程。忽見金封三派人持信來，謂有要事相商。轎子已在校外立候。予閱之急甚。知克強之謀破矣。即出房門，將門加鎖。而鑰匙忘記帶出。再由窗戶入房，拿出鑰匙。出校登轎。而各街柵欄均已加鎖。幸予着洋服。無辯守卒以予爲洋人。一一由夢中醒來。開柵門讓予經過。予至龍硯仙家。門口有一警卒守衛。直入數進。至一花廳。見克強坐在書案。起立與予握手。謂事已被人告秘。軍警捕之甚急。奈何。予云勿畏。即乘原轎至吉祥巷聖公會。叩黃吉亭牧師之後門。沿途叩柵欄如前。黃吉亭牧師宿於聖公會堂後門附近之一室。聞予叩門聲。急頗驚惶。便行祈禱。始稍定。開門後，予就黃牧師床前秘告以故。黃即穿衣坐予所乘之轎。予隨轎後行。重至龍硯仙之花廳。與克強討論出險方法。黃牧師先以溫語安慰克強。次對克強至友如龍硯仙、金封三、張溥泉、李蓮舫諸人。謂此次事變。擔保克強之安全。但克強親友。無論何人。不能向予問克強之行踪。次日風聲更急。又捕去同謀之會黨首領游得勝、蕭桂生二人。次晚黃牧師再至龍硯仙家。授以出龍公館之秘計。約定次日下午六時。先由黃牧師自南門乘小轎垂簾。而入龍硯仙之內室。隨換克

強乘此轎經小街而至吉祥巷聖公會之後街某娼家門首。下轎入聖公會後門之一小巷。予則於黃昏時專守聖公會後門以待之。黃牧師數易服裝出聖公會大門以探之。待至六時十分許。克強始入小巷抵聖公會之後門矣。予牽其手而入。心始安。隨克強之轎而來。冒充班隨者。卽張溥泉也。時將秋季。溥泉猶著藍竹布長衫。袋中盛一四寸手槍。謂途中苟遇不測。只好用手槍拚命。予是以重視溥泉之爲人。予見手槍此爲第一次。溥泉別去。克強卽登聖公會後進之一樓。樓上亦無陳設。僅安置袁禮彬之一行軍床。與一小桌一小櫈。予托黃牧師由漢口買來一新棉絮。卽與克強墊鋪。予則僅蓋一日本製造之虎紋毛毯。青年時代固不畏寒也。克強在聖公會樓上。除黃牧師、袁禮彬及予外。無一知者。長沙城內風聲鶴唳。幾乎草木皆兵。而游得勝、蕭桂生所受之酷刑。聞之酸鼻。每日審問。必燒紅鐵鍊。使之露膝跪下。跪下時膝肉生烟。其聲其臭。熏聞滿座。脚擦手扭。鐵鍊叮噹。更上夾板。骨肉分裂。迨至痛失知覺。卽橫陳未斷氣之身體於石板上。至稍知人事時。復嚴刑逼供。酷刑之下。何供不得。由是黃克強之大名。居然列案首矣。而宋教仁、胡宗琬、易本義、馬福益、柳聘農、劉揆一輩。名皆前列。按名索捕。急於星火。予奔走於聖公會之日。

知會如故也。每禮拜日學生軍人來聖公會堂作禮拜聽黃吉亭牧師說教之擁擠如故也。予每日上午在校授課，下午至聖公會之日知會辦事，并至西長街循道會福音堂開門演說如故也。至游得勝蕭桂生受斬刑之次日，予方在循道會開門演說畢，出禮拜堂過長沙中學大門口遇宋教仁。予驚甚，因問柳聘農在校否。蓋克強破案後，聘農已逃。宋教仁不之知也。予即呼曰頓初（宋教仁之字）隨我來。彼見予狀倉皇，亦不作聲色。隨予至吉祥巷聖公會見黃吉亭牧師。緣聖公會教友有在湘撫衙門爲吏者，自黃克強破案，游得勝、蕭桂生被捕後，每日刑訊狀況及逼出口供，均能詳細記錄，以資研究。及宋教仁見黃牧師於禮拜堂，黃牧師示以游得勝、蕭桂生之口供，及急電湘西捕拿宋教仁之消息。宋方知克強之謀已破，神色慘傷。予與黃牧師皆勸其速離虎口，并送其出長沙城。黃牧師且贈以旅費八元。是時城門已有兵士看守，門正中繫一長繩，行人出入，嚴分左右。予偕黃牧師送頓初平安出城後，方返吉祥巷。蓋頓初之來，包定大杉板船兩隻，特來長沙運軍火。約於皇會之日，在常德謀響應者也。無如銀錢八元不足分配。次晨又來甯鄉中學覓予，求予設法。改名甘某。予又陪之至友人處支挪。途中遇長沙善化縣知事出巡。

衛卒森嚴。值此風聲緊急之時。其一種猙獰之氣。不可嚮邇。在傷心人見之。尤不可耐。予覺頓初之足。似弱不勝風者。予仗洋裝手杖之勢。龍行虎步。橫衝直撞。頓初之胆亦壯。於是又送頓初平安出城。頓初去後。長沙之風聲尤急。謠言日衆。而皇會亦不敢大開。僅於大街上懸幾盞走馬燈以爲點綴。予每日仍於禮拜堂開門演說之時。宣布滿清入關滅我漢人之罪惡。實爲上帝所不許。時循道會教士李親仁先生。對予極愛護。知予喜吃糖菓。每日必買一包糖菓置之案頭。每出禮拜堂。彼必在予後三四十步隨行。見予歸寧鄉中學後方返。予自幼受曹鳳翔先生之教。行路從不後顧。李親仁先生在後看護。予未嘗一發見也。事後李親仁先生告予。謂長沙風聲緊急。克強之案。被捕者曾供有予名。故彼特使予每日開門講書。依循道會規則。未受洗者不能登講臺。是時予尙未受洗禮也。英人任修本牧師。素知予性激烈。亦不願爲予施洗禮。 Rev. G. G. Warren 李親仁教師則多方裁成之。故意使予登臺。使保護教堂之巡警。每日報告曹亞伯教士演講無恙。又謂彼每日隨予後三四十步以行。見予平安歸寧鄉中學後方返者。彼已立定主意。因年及半百。活在人間。無甚作爲。予正丁年。可以爲國出力。如官場與予爲難。彼必與之拚命。

一鬧教案。予之性命卽安全也。至今憶之。猶令我五中感激。

克強藏在聖公會樓上。對於營救同志。全仗黃吉亭牧師苦心籌畫。故派袁禮彬之弟某搭輪船送信至武昌西廠口革命機關之科學補習所。使胡宗琬劉敬安輩速將機關取消。并托其通知安慶九江南京上海杭州各處機關同時停止。一面由袁禮彬李仲廉兩人在長沙郵政總局檢查郵件。凡關於明德學堂轉交黃軫之信札。皆一一收檢。因袁禮彬李仲廉皆長沙郵政總局重要職員。袁禮彬之用心極周到。故此次克強破案。官場未得片紙隻字之憑證也。

黃吉亭牧師愛心圓滿。猶恐克強家族受驚。更於聖公會附近租一屋。使克強家族遷居。每禮拜日命克強兒媳來聖公會堂作禮拜聽講。卽黃一歐李興亞夫婦也。予亦引克強夫人及其子於禮拜日至西長街循道會福音堂作禮拜。予憶克強次子尙在襁褓。曾於祈禱時。放聲大哭。予不得已抱之行走。以維持祈禱之秩序。前清官場見克強家族皆耶穌信徒。亦不敢濫下毒手。然胡宗琬自武昌來長沙。尙雄心勃勃。彼曾在武昌西廠口科學補習所印就軍用票三十萬張。票係白宣紙。長五寸。寬三寸。上印藍色地球。地球北

極上繪一雄鷹。隻脚立於球上。極爲精緻。隱隱中表示英雄獨立之意。局外人見之。視爲極上等之信箋。胡宗琬離武昌時。將科學補習所交劉敬安收束。宗琬則帶此三十萬印就之票紙至長沙城外王闈憲家。預備票面上填臨時軍用。作會黨起義時之符信通行。券因城門稽查極嚴。此票亦無用處。胡宗琬復返武昌。仍與劉敬安王漢輩秘謀進行。而長沙索捕黃克強之風聲亦漸鬆懈。

克強藏在吉祥巷聖公會樓上。將一月。有意與長沙告別。黃吉亭牧師又苦心經營送克強出險。克強出城之前數日。武昌高家巷聖公會會長兼武昌日知會會長胡蘭亭牧師亦到長沙。與黃吉亭牧師秘謀送克強出城方法。黃克強本蓄有黃帝式之三鬚鬚。胡蘭亭牧師將克強之鬚鬚剃去。黃吉亭牧師即往城外海關人員鄧玉振先生家。借其房屋請酒一席。至黃昏城門將關未關時。黃牧師偕黃克強袁禮彬三人化裝海關辦事人員。并臨時催日知會會員數人出城。至鄧玉振先生家晚飯。予服洋裝。不便親送。惟在寧鄉中學操場默禱上帝。求上帝護佑黃克強平安出城。予且願終身爲上帝作證。無論在何人面前。必相告曰。我乃信上帝之基督徒也。克強臨行時告黃吉亭牧師袁禮彬先生曰。

途中若遇危險。則請兩君速避。彼當以自衛手槍與敵人拚命。幸天佑善人。一路平安抵鄧玉振先生家。由黃牧師介紹。鄧君歡喜無量。是晚日本輪船沅江丸開往漢口。晚餐畢。登沅江丸。船上重要船員蔡植生。允妥爲照料。黃牧師親送至漢口。次晨黎明開輪。過靖港時。船上遇同志藍天蔚（字秀豪）蓋張之洞派往萍鄉察看地勢。擬在萍鄉設一大規模之兵工廠者。適在沅江船上不期而遇。三人相見。喜出望外。藍聞克強在長沙破案。心甚憂之。至此心乃大慰。并自告奮勇。力保克強經過漢口之安全。沅江丸此次下駛。特別迅速。早四時許離長沙。晚九時許即安抵漢口矣。船抵漢口時。漢口至上海之輪船。皆已開行。惟招商局之江亨。因裝貨未齊。尙未離漢。然已停在江心矣。比即呼一小舟。趕上江亨。黃牧師送至船上。秘囑曰。到上海時。即來一電。只拍一興字。即知君平安無恙也。於是黃興之名自此定。黃吉亨牧師見江亨已下駛。彼亦上日本輪船。夜班回長沙。不數日上海之電亦至。吾輩皆相慶幸。不期上海萬福華刺王之春之案。又作。萬福華之謀刺王之春。本蔡元培章士釗所主持。謀刺未成。萬福華被租界捕房拘去。章士釗往捕房探視萬福華。捕房間章士釗與萬福華有何關係。居在何處。時章士釗與蔡元培在上海辦一日

報。章不告以報館之住址。特告以新開路餘慶里某號門牌。蓋新聞路餘慶里某號門牌。即愛國協會。爲各省革命同志寄居之所。而由長沙新脫險之黃興。亦在其內。江西統兵大員郭人漳與張繼蘇鳳初朱萍洵輩共二十餘人。同在一處。章士釗在捕房說出新聞路餘慶里某號門牌之時。捕房即派武裝巡警一大隊。至該里某號門牌。將一班同志二十餘人。一網打盡。解入捕房。章士釗亦在內。幸郭人漳爲江西統兵大員。比致電江西巡撫夏時。夏時來電保釋。租界捕房聞郭人漳係江西統兵大員。莫不特別致敬。餘則仍羈捕房。郭人漳保出時。謂黃興等四人爲彼來滬聘請之教習。故亦同時釋放。黃興出獄之夕。即乘三菱公司輪船渡日本而往東京矣。餘則尙繫獄中。至乙巳春方交保出獄焉。黃興脫險後。長沙日知會革命之運動。及武昌科學補習所革命之經營。更加慎密。清廷對於武昌長沙兩處。益加注意。故特派鐵良南下武漢。偵察情形。而胡瑛王漢亦圖窺其隙。以去滿人之魁渠。鐵良由京漢火車返京之日。胡瑛王漢化裝隨之。行至河南。王漢露出破綻。自知不免。投井死焉。胡瑛跟踪至北京。依同志而居。謀益亟。乙巳春清廷任端方撫湖南。下車之日。即殺劉道一於瀏陽門。旋又捕馬福益於萍鄉。馬

福益被捕時。用鐵練鎖其肩骨。俗名強盜骨。以刀洞穿肩骨。繫之以練。解至長沙。觀者如堵。因馬福益爲黃興案中之一人。刑訊極苦。馬福益亦直供不諱。聲言革異族命。爲漢族復仇。死何所憾。於被捕之三日。亦斬於瀏陽門。予囑謝申嶽往觀之。謂血流盈丈。狀至慘也。予乃兩湖書院學生。端方曾署兩湖總督。認爲有師生之誼。加以予爲耶穌教徒。適是時兩湖歷史副教授陳慶年（正教授楊守敬）端方聘爲上賓。待予甚厚。故端方不殺予。然又不任予在長沙運動革命。不得已派予往日本爲調查宗教委員。此仇教之清廷派學生出洋調查宗教。此爲第一次。

第二章 武昌日知會之運動

予過武昌。寓於高家巷聖公會胡蘭亭牧師家。聖公會之日知會。實係革命機關。表面則講道閱書報。因附設於聖公會也。故推胡蘭亭任會正。劉敬安副之。幹部有評議員五。選舉馮特民、陸費達、李亞東、濮以正等任之。開幕之日。吳祿貞捐月薪五十兩。以作開辦之費。斯時吳祿貞將調至北京陸軍部也。藍天蔚亦暗助不少。結合軍學兩界之重要會員。分途運動。如吳兆麟、李亞東、辜天保、范騰霄、盧保三、徐竹平、黃家麟、潘善伯、李勝美、黃警

亞、蔡達生等數十人。援引青年。廣結同志。宣傳陳天華所著之革命小冊子。如猛回頭、警世鐘、諸書。漸次軍學兩界之有心革命者。均歸納於高家巷日知會。會務發達。一日千里。張純一、余仲勉、范煥文等。又充文華大學教授。張純一於乙巳春夏之交。曾爲日知會徵求同志。作文極沈摯。足令見者莫不心動。當時僅印千份。一散而盡。經丙午冬季之變。竟無存者。更以白話作軍歌三首。以爲軍界學界革命之鼓吹。一時風行全國。今猶記憶。特錄之如下。

願同胞團結個英雄氣、唱軍歌。

一腔熱血兒按劍摩。

怎能夠坐視國步蹉跎。

準備指日揮戈。

好收拾舊山河。

從軍樂、樂如何。

從軍樂、樂如何。

怎能夠、坐視國步蹉跎。

準備指日揮戈。

好收拾、舊山河。

對天演、烈風潮、爭優勝、武士道。

競上、舞臺高、精神好。

爲國民、從新鑄個頭腦。

掙得神州天曉。

紀念碑、立雲表。

操操、操、休草草。

操操、操、休草草。

爲國民、從新鑄個頭腦。

掙得神州天曉。

紀念碑、立雲表。

齊昂昂、整頓了、好身手、講兵船。

救國、千鈞擔、一肩挑。

新中國、能夠造得堅牢。

便是絕代人豪。

浩然氣、薄雲霄。

聲價兒、比天高。

聲價兒、比天高。

新中國、能夠造得堅牢。

便是絕代人豪。

浩然氣、薄雲霄。

予渡日本後。即入東京府下淀橋町中田重治主教所辦之聖書學院。旋接武昌報告。知日知會曾開大會。會務日臻發達。今將幹部成立開會之日。張漢傑所記劉敬安之演說錄之如次。

中國醒。中國醒。我中華大國。外人要瓜分了。我們同胞。又要做兩重亡國奴了。滿清那拉氏常言寧將中國亡於外人。不可失於家奴。此滿清亦自認中國又要再亡了。我漢人四萬萬同胞。被滿清壓迫愚弄。多有不知的。現在禍在眉睫。應該醒來。應該覺悟。早想挽救之法。以免永爲人之奴隸牛馬。不勝急切盼禱之至。日前同志曹亞伯由湘來鄂。與胡蘭亭先生及兄弟三人。商議擴充日知會。現曹君已往日本。從事運動。我們日知會重又成立。一切章程宣言。都已備就。應成立幹事部。此幹部多係軍學兩界同志。以後一切責任。及開導民智。救中國危亡。成一新中國。俾黃帝子孫不復爲亡國奴。豈惟同志之幸。亦中國四萬萬同胞之幸。

予入聖書學院。研究宗教。每週必至東京中心之神田區。與日知會同志黃興宋教仁輩會晤。謀革命進行之法。

第三章 同盟會之成立及吳樾炸五大臣

宋教仁逃出長沙後。在東京結合一班同志如白逾桓等組織一雜誌。名曰二十世紀之支那。初出版而日本政府即禁止發行。

黃興來後。欲結合各省之同志立一革命總機關。而戊戌政變後長沙時務學堂逃去之一班學生。如楊度、范源廉等。俱不願戴黃興爲首領。於是黃興由惠州革命失敗首領陳少白（時寄寓橫濱）及香港同志馮自由介紹與孫文相見。於乙巳夏組織同盟會於東京。推孫文爲總理。先是惠州革命失敗後。庚子之役。陳少白約孫文立同盟會於香港。入會之士。雖抱種族之見。究不能普及於內地各省。至是結合各省留學於日本之志士。主義因而大昌。初開成立會於東京赤坂下之黑龍會。宮崎寅藏爲熱心之招待員。到者有龔國煌、時功玖、田桐、居正、李烈鈞、唐繼堯、閻錫山、尹昌衡等四十餘人。首請孫文演說。說明革命即造反。造者即造世界。反者即反對異族強權賣國政府。演說甚長。次即予演說。說明漢人亡國。韃子入主。凡屬漢人皆當驅除異族。恢復漢人江山。再次則爲黃興演說。說明革命後。如何普及教育。如何振興實業。如何整理內治。如何修睦外交。聽者皆爲奮發。演說畢。故意由同志假反對論反駁之。以探在座者之革命心理。是否堅定。予勝氣與之爭鋒。衆皆鼓掌。然後宮崎寅藏持出日本信紙一卷請衆簽名。衆皆席地而坐。靜默不動。予則憤然而起持筆寫曹亞伯三大字。曰。憑吾良心簽名。次程家檉曰。我亦憑我良心

簽名。於是按次皆簽名矣。最後有二人年頗長。北方人。盤踞於頂。忘其名。不肯簽字。以反對。予所寫之三大字太不恭敬爲由。予則謂今日之會。非考翰林。黃興補之曰。老兄欲考翰林。則請向滿州政府投考。衆則解和勸勉。二人卒簽名。會畢。孫文請大衆少待。孫文先至會所大門旁之一小室。請與會者按次傳握手秘號。并宣讀一紙誓約。宣讀時。用左手向天。文曰。當天發誓。同心協力。驅除韃虜。光復中華。創立民國。平均地權。失信矢忠。有始有卒。如或渝此。任衆處罰。因進出於大門者四十餘人。日本式之木屋。頗不堅實。大門內之地板。爲之倒塌。衆皆驚之。予則曰。異族政府必倒。以此爲兆。是日到會者四十餘人。如黃興、孫文、宋教仁、張繼、杜禹、汪精衛、馬君武、李根源、呂天民、馮自由、于德坤、程家柁、孫毓筠、黃復生、周代本、胡瑛、吳春陽、石志泉、李書城、耿覲文、但燾、田桐、何曉柳、宮崎寅藏、張昉、陳天華、曹亞伯、秋瑾等。大約各省皆有一二。惜未抄存其名冊也。隔數日再開會於東京赤坂某日人家。各省到會者計四百餘人。由陳天華一手起草之革命方略。同盟會章程。皆逐條於此會通過。旋組織民報社於日本東京市牛込區新小川町二丁目八番地。以張繼、黃興總其成。文稿則以會員之能文者自告奮勇。會計爲何天炯。字曉柳。庶務卽田

桐出版之日。無法發行。予與蕭鐘英、陳謨、龔國輝（後改名斌）、龔國煌、馮大樹數人。將印就之民報第一期。或包捲。或寫封皮。或貼郵票。命女傭用小車推至郵局。不數小時而三千份民報皆發出。送之中國內地矣。餘則二千餘份。散布於日本中國留學生中。予每日提一大包往各學校發賣。一時民報之聲價。風行海內外。

乙巳秋。清廷知提倡革命者之多。不得已。宣言預備立憲。以掩天下人之耳目。首命五大臣載澤、端方、戴鴻慈、紹英、徐世昌。出洋考察憲政。革命黨知其作偽。即行暗殺主義。方五大臣之出京也。正上正陽門東車站。皖人吳樾。飾僕裝。登車親擲炸彈。中國破天荒之炸彈第一聲。即隱身於五大臣隊中之隨員。蓋製炸藥者楊毓麟（字篤生）也。製彈壳者胡瑛也。皆抱種族革命主義之最激烈者也。不幸一擊未中。身被炸死。而五大臣狼奔鼠竄。魄散魂飛。知炸彈爲不可侮之利器矣。皆逃返京。厲改期出京。在吳樾之意。以爲革命必先行暗殺。觀其決志實行暗殺之先。有致留學東京秘友意見書。及其友之論吳樾事。可得其大概矣。北京正陽門東車站之炸彈。爆發於乙巳九月二十六日。其意見書發見於吳烈士炸死之後。原文云。

國民公鑒。立憲之聲囂然遍天下。以誑誤國民者。實保皇會人爲之倡。宗旨曖昧。手段卑劣。進則不能爲祖國洗濯仇恥。退亦不得滿州信任。譸張爲幻。迷亂後生。彼族黠者。遂因以欲增重於漢人奴隸之義務。以鞏固其萬世不替之皇基。於是考求政治。欽定憲法之謬說。偃偃於朝野間。哀哉我四萬萬同胞。稍有知識者。相與俯首仰目。懷此無絲毫利益我漢族之要求。謬說流傳。爲患益劇。樾生平既自認爲中華革命男子。決不甘爲拜服異種非驢非馬之立憲國民也。故寧犧牲一己肉體。以剪除此考求憲政之五大臣。其所以不得不出此之理由。敬爲我皇漢諸父老昆季陳之。

(一)唯一原理民族建國主義。世界既不能立躋大同之域。民族間之利害衝突。勢所不免。惟勢力平均者。始有和協提携之希望。凍餒其身家。而膏梁文繡其里隣者。人無智愚。均不爲也。漢之不能容滿。亦猶夫滿之不能資漢。故我輩欲滅漢以榮滿也。斯已矣。如有良知。思恢復我族之權利。斷不能不顛覆漢視漢人勢不兩立之滿州政府。而建立皇漢民族新國家。以自行意志。以自衛同胞。夫偷生苟活於異族主權之下。已失世界之名譽。歷史之光榮。而况乎其將隨腐朽異族之腐朽而同仆耶。簡言以斷之曰。